

雲南通志

秋官友

145-146

EM 310

6 39

145-146



雲南通志卷一百四十五

秩官志七之五

土司五

國朝二

臨安府

納樓茶甸長官司

大清會典事例雲南納樓茶甸長官司副長官一人

皇朝通典雲南長官司副長官三人曰納樓茶甸

大清一統志在府西南一百八十里東西距二百里南北

距二百四十五里東至納更土司界七十里西至元

雲南通志

卷一百四十五

秩官志七之五

土司五

一

江府界一百三十里南至元江府界一百五十里北

至建水州界九十五里臨安府志東至黑江交陞界

六百里南至元江直隸州界四百里西至石屏州雲

臺里界一百里北至府城南關紙房鋪界八十里轄

種人五果羅棘夷窩泥沙人樸喇管村落一百有三

每年額徵差發銀四百三十二兩二錢八分戶口食

鹽銀一兩一錢二分四釐四毫課程銀七兩三錢

三分三釐秋米一百九十九石九斗六升五合案册

順治十六年普率投誠仍授世職康熙四年率附王

祿叛官兵討之乞降赦之以子向化襲向化死子仁

襲仁死子天民襲天民死子濟襲以事謫新疆從父
弟澤襲澤死子承恩襲承恩死子永年道光七年襲
永年死子衛邦未及歲亡土族普善保普堯年等爭
襲仇殺夷衆不堪光緒九年經總督岑毓英巡撫唐
炯奏准改置四土舍擇親支分管承襲仍以納樓總
名冠之

納樓四土舍

長舍住居吉祥寨管理樂善永順二里兼轄籐條外
三猛普承薪孫衛本襲

次舍住居西底寨管理安正崇道二里普崇子文禮

雲南通志

卷五十五

秩官志七之五

土司五

二

襲

三舍住居官廳寨管理敦厚復盛二里普保極子應
元襲

四舍住居牛角寨管理太和欽從二里普照子應隆
襲

納更山上巡檢

大清會典事例雲南納更山上巡檢一人

皇朝通典雲南土巡檢十九人曰納更山臨安府志距府
治東南二百八十里東至開化府界一百里南至猛
丁界一百里西至納樓司界一百里北至建水縣界

八十里轄種人四儂人熨夷窩泥沙人管村落八十
三寨年徵差發銀六十三兩糧羨銀二兩四錢秋款
銀九錢秋米三十石順治十六年龍天正投誠仍授
世職天正死姪得雲襲得雲死子在田襲在田死子
躍襲躍死無子其兄璽襲璽死子騰霄襲騰霄老子
恩襲案册嘉慶二十三年夷匪高老五滋事失守渡
口諱匿賊情提訊在途死子霽青安插江甯道光二
年以龍夔襲夔死子承訓未襲故孫章襲章死乏嗣
弟驤襲驤死子金聲光緒四年襲

虧容甸長官司

雲南通志

卷五十五

秩官志七之五

土司五

三

大清會典事例雲南虧容甸長官司副長官一人後裁

皇朝通典雲南長官司副長官三人曰虧容甸案册雍正
十三年改設虧容甸部長

大清一統志在府西南一百四十里東西距四十五里南
北距二十里東至阿迷州界二十里西至元江府界
二十五里南至舊猷處司界十里北至石屏州界十
里臨安府志東至慢車鄉界十五里南至溪處鄉界
十五里西至元江直隸州界十五里北至石屏州界
十五里司治在安樂寨轄種人三土獠熨夷樸喇管
村落二十每年額徵差發銀九十四兩三錢九分六

釐零秋款銀二兩七錢零秋糧京斗米九十石零案冊順治十六年孫大昌投誠授副長官世職大昌死子永祚襲永祚死子世基襲世基死弟世業襲世業死孫榮幼妻曾氏撫孤榮死子廷對襲廷對死子漢道光六年襲

思陀鄉土舍

大清一統志思陀甸長官司在府西南二百五十里東西距一百里南北距六十里東至元江府界七十里西至落孔司界三十里南至左能司界十五里北至元江府界四十五里臨安府志距府治南二百八十里

雲南通志

卷二五

秩官志七之五

土司五

四

東至落恐鄉界十里南至元江直隸州界五十里西十五里北十里皆交元江界轄種人一窩泥管村落二十六每年額徵差發銀一百八十三兩一錢七分秋米二十九石零順治十六年李秉忠投誠仍授長官司副長官世職秉忠死子承爵襲承爵死世絕改土舍康熙二十年以李世元繼襲世元傳經國經國傳兆龍兆龍傳瑞案冊兆龍傳熙熙死子紹先道光六年襲

溪處鄉土舍

大清會典事例雲南溪處長官司副長官一人後裁臨安

府志距府治西南三百一十五里東至納樓司界三十里南至元江直隸州界一百二十里西至左能思陀界五十五里北至虧容司界二十五里轄爨夷果羅二種管村落四十二年徵差發銀三百二十八兩一錢四分六釐秋米二百一十二石一斗順治十六年恩忠投誠仍授副長官世職康熙四年附祿昌賢叛伏誅改土舍以其弟恩廉襲恩廉傳恩厚恩厚傳恩義恩義傳恩寵恩寵傳趙雲龍雲龍傳煥煥傳國寶國寶傳盛案册盛傳理嘉慶二十二年高羅衣滋事理從逆伏誅以趙國梁襲國梁死子爲藩未襲故

雲南通志

卷三十五

秩官志七之五

土司五

五

乏嗣堂姪鎮芳光緒二年襲

瓦渣鄉土舍臨安府志距府治西南二百四十里東至溪處鄉界三十里南至元江直隸州界四十里西至左能鄉界三十里北至虧容司界五十里轄種人五儂人樸喇果羅爨夷窩泥管寨三十六年徵差發銀三百二十八兩一錢四分六釐秋米二百一十二石一斗順治十六年錢覺耀投誠仍授副長官世職康熙四年通王祿叛官兵擒斬之職除改土舍以錢運督辦錢糧運傳登龍登龍傳正元正元傳錫蔭錫蔭傳繼祖繼祖傳瑾案册瑾年老告休子國勳嘉慶二

十五年襲國勳死永基襲永基死子濱襲後被匪謀殺乏嗣堂弟浚應繼襲以年未及歲光緒七年永年代辦

左能鄉土舍

大清一統志左能寨長官司在府西南二百三十里東西距四十五里南北距三十五里東至落恐司界三十里西至思陀司界十五里南至舊谿處司界十五里北至恩陀司界二十里臨安府志距府治西南二百五十里東至瓦渣鄉界十里南至溪處瓦渣界二十里西至思陀鄉界十里北至落恐鄉界五里轄種人

雲南通志

卷一百五十五

秩官志七之五

十四

六

一窩泥管村落八年徵差發銀一百一十二兩六錢三分九釐秋米三十九石七斗明授副長官除職順治初吳應科投誠以非滇志所載下臨安府查核稽其譜系蓋應科爲明蚌頗十一世孫因改土舍准襲應科死子順嗣順死子世臣嗣世臣死弟世標嗣世標死子義嗣義死子廷輔嗣廷輔死子俊嗣

落恐鄉土舍

大清一統志落恐甸長官司在府西南二百里東西距二百里南北距一百五里東至舊谿處司界七十里西至元江府界一百三十里南至建水州界九十里北

至思陀司界十五里臨安府志距府治南二百八十里東至瓦渣鄉界五十里南至左能鄉界五里西至思陀鄉界三十里北至元江直隸州界十五里轄種人一窩泥管村落十年徵差發銀六十八兩七錢三分三釐秋米十九石三斗三升七合八勺明投副長官司順治初陳玉投誠因號紙無存給便委土舍玉傳良棟良棟傳國賓國賓傳大用大用傳廷佐廷佐傳永錫永錫傳接祖案冊接祖傳綸嘉慶六年綸以被控抗調革黜道光元年綸子元龍襲

阿邦鄉土舍臨安府志距府治東南二百一十里東至

雲南通志

卷五

秩官志七之五

土司五七

風口十里交納樓司界南至五邦二里西至水塘三里北至小寨一里皆交建水界轄種人一熨夷管村落四年徵條編銀七兩一錢五分秋米七石四斗三升檳榔變價銀六十六兩四錢六分明授土守備順治初陶順祖投誠守職如故旋議土司不宜加武職改土舍順祖死子斌襲斌死子文璧襲文璧死子仁襲仁死子永祚襲永祚死子佺襲案冊佺傳起鼇起鼇死子珍年未及歲珍母刀氏撫孤署事

慢車鄉土舍臨安府志距府治西南一百四十里東至納樓司漫金溝界五里南至木梳賈界三十五里西

至虧容司萬年青樹界一里北至澧社江界半里轄種人四窩泥樸喇熨夷果羅管村落十八年徵差發銀六十兩秋米六十石順治開元江土夷亂漫車土目刀岡隨官軍協勦有功授土舍世職岡傳板板傳璽璽傳國良國良傳英英傳裕案冊裕傳其偉其偉無子弟其勳嘉慶二十二年襲

稿吾卡土把總

皇朝通典雲南土把總五十五人曰納更司一人臨安府志距府治東南二百八十里東至開化府小河口界二十里南至三猛地界連交搃一百里西至蠻凸小

雲南通志

卷一百五

秩官志七之五

十四

八

河界三十里北至澧社江蒙自縣界五里原撥兵莊一十四寨自納更而分有蠻板渡卡通交趾設土練五名魚壩卡近金廠設土練十名雍正開納更土目龍在渭隨征元普逆夷有功給土把總職銜在渭死子瑄襲案冊乾隆五十年議請刪除瑄子定國仍在稿吾卡充當土目嘉慶二十二年江外夷匪滋事龍定國父子陣亡奏准世襲土把總定國無子以其弟定昌代辦俟其生子立爲定國之嗣承襲定昌死子躍池繼襲躍池死子汝霖年幼母普氏撫孤及長以軍務出力捐助糧餉有功加遊擊銜賞戴花翎汝霖

死光緒七年子裕光襲

十五猛臨安府志東界開化南界交摠西界溪處納樓北界納樓納更縱橫四百餘里明初爲沐氏勳莊國朝順治十七年吳三桂請并雲南荒田給與藩下壯丁耕種康熙七年奉

旨圈撥叛後變價歸建水徵收猛各設一掌寨督辦錢糧

猛喇寨長刀起鳳臨安府志順治十五年投誠歲納籽粒銀一百兩鳳傳温温傳懷懷傳定邦定邦傳易罕易罕傳國安國安傳有光有光幼國凝繼國凝死弟國洪繼案冊國洪死子秉銓繼

雲南通志

卷一百零

秩官志七之五

十四

九

猛丁寨長張政臨安府志康熙三十三年投誠歲納籽粒銀五十兩政傳子義登犯法死改委土目張忠忠傳天德天德傳清清傳元龍

猛梭寨長刀金率臨安府志順治九年以莊田歸附歲納籽粒銀五十兩金率死服南繼服南死美玉繼美玉死德明繼德明死正民繼正民死國祥繼國祥死弟國正繼案冊國正死世英繼世英死允亮繼允亮死子文安繼

猛賴寨長刀正奇臨安府志雍正四年由猛丁分管歲納籽粒銀五十兩正奇傳子甯暨孫奠邦衛邦案冊

衛邦傳子治平治平傳弟治安

猛蚌寨長刀正文(臨安府志)雍正四年由猛丁分管歲納籽粒銀四十兩正文傳子順暨孫定邊(案冊)定邊傳九功

茨桶壩寨長李文第(臨安府志)乾隆十八年由猛丁分管歲納籽粒銀三十兩文第傳子錫爵錫爵傳弟天爵天爵傳子如松(案冊)如松傳子定國

五畝寨長陶振祖(臨安府志)順治十五年投誠歲納秋米十七石條銀十六兩三錢八分公件銀八兩五錢差發銀一百兩振祖死子餘慶繼餘慶死子溶繼溶

雲南通志

卷一百五

秩官志七之五

七十五

死子聯登繼聯登被斥弟聯科繼聯科死聯登子禮繼禮退弟義繼義退禮之子聚泰繼聚泰斥義復繼義斥聚泰又繼聚泰再被斥永泰繼(案冊)永泰死陞繼

五邦寨長刀宗仁(臨安府志)順治十五年投誠歲納秋米二十五石條銀二十四兩二錢五分公件銀十二兩五錢宗仁死子起鳳繼鳳犯法死弟起龍繼起龍死子之富繼之富死子其昌繼其昌被斥姪易雄繼易雄死弟易漢繼易漢死波繼波死安定繼安定死子保幼安正繼(案冊)安正死鎮遠繼

者米寨長王光耀臨安府志康熙二十一年投誠納籽粒銀八十兩光耀死弟光有繼光有死子一龍繼一龍死子秉忠繼秉忠死子正九繼案冊正九死子永年幼其從兄聯魁代理

猛弄寨長白安臨安府志雍正十三年投誠歲納籽粒銀四十四兩秋米七石安死姪士正繼士正死子文龍繼文龍死子如美繼如美死子錦繼錦死子文光繼案冊文光死子明繼

馬龍寨長陶順臨安府志乾隆二十年以陶順爲馬龍寨長順後退與族人陶汝明汝明仍退與順子正龍

雲南通志

卷一百五

秩官志七之五

奇五十一

正龍復退與納更龍現今之委管者六呼夷民白鳳高歲納秋米十石條銀九兩六錢零公件銀五兩年例銀二十五兩案冊今委李裕掌寨

瓦遮宗哈掌寨臨安府志自萬曆四十二年馬豸投誠歷十一世皆馬姓至乾隆五十七年馬宣泰爲普白二姓所控分而爲三以馬聯陞普萬白鶴鳴經理歲納秋米八石八斗一升條銀八兩四錢八分公件銀四兩四錢零年例銀二十五兩案冊今正掌寨普昌鼎副掌寨白湛普林

斗巖寨長李朝臨安府志明崇禎五年歸附歲納籽花

年例銀四十七兩六錢六分稅糧八斗朝死白如
代如琦退朝子察總繼察總死李資覽代資覽退察
總子得輔繼得輔死子興邦繼興邦退子廷標繼案
冊廷標死子成藩繼

阿土寨長陶嵩臨安府志明崇禎十年歸附歲納秋糧
七石條銀六兩七錢五分公件銀三兩五錢嵩死子
扁繼扁死子成繼成死子孔昭繼孔昭死子耀祖繼
耀祖死子源繼

水塘寨長陶成臨安府志崇禎十二年歸附每歲納秋
米四石條銀三兩八錢五分三釐公件銀二兩成死

雲南通志

卷一百五

秩官志七之五

七十五

十一

子國祥繼國祥死子璧繼璧死子汝明繼汝明死子
文繼文死弟武繼

廢教化三部長官司

大清會典事例雲南教化三部長官司副長官一人後裁
舊雲南通志順治初龍昇投誠仍以張長壽爲名許
之授世職康熙四年附王祿叛誅之以其地爲開化
府設流官

廢王弄山長官司

大清會典事例雲南王弄山長官司副長官一人後裁舊
雲南通志順治初王朔投誠授世職康熙四年朔與

祿昌賢叛官兵討之朔自焚死以其地屬開化

謹案教化王弄兩廢土司舊屬臨安今仍載於此

廢阿迷州土知州

大清會典事例康熙三十五年雲南阿迷州土州改流裁

土知州一人臨安府志阿迷州舊有土目李阿側康

熙四年從討王朔有功授土知州世職傳子思敬暨

孫廷樞廷正廷正子慧慧弟純純濫派橫征為羣夷

所控雍正四年籍其產安置江西

謹案阿迷州明為普氏地普名聲妻萬氏作亂為李定國所滅

廢甯州土知州舊雲南通志順治初祿昌賢投誠仍授

雲南通志

卷三十五

秩官志七之五

七十五

三

世職十七年降州同明年以舉首梅道人等謀逆復

原職康熙四年以叛伏誅

廢甯州土州判舊雲南通志康熙十九年復滇有李者

祿投誠准世襲州判者祿死占鼇襲占鼇死雲鼇襲

雲鼇死實寶襲至國勳世絕停襲

廢嶠峨縣土知縣舊雲南通志順治初祿益投誠仍授

世職康熙四年與祿昌賢等叛職除

廢嶠峨縣土主簿舊雲南通志順治初王揚祖投誠仍

授世職康熙四年與祿昌賢等叛伏誅職除

廢蒙自縣土縣丞臨安府志蒙自土知縣陸氏被黜其

土舍甯州祿重據土官村溺於酒色不能馭下其目把李輔舜等叛歸沙源源以兵乘之遂破有土官村沙定洲踞會城令李輔舜子日芳竊據蒙自定洲敗日芳遂家於蒙康熙四年日芳弟日森子世藩世屏附甯州祿昌賢叛總兵閻鎮破之世藩遁追斬之世屏出降免死充大理軍後吳三桂反給世屏偽總兵劄

大師復滇世屏持劄投誠授蒙自縣土縣丞職不准世襲四十三年世屏死追繳部劄

楚雄府

雲南通志

卷一百五

秩官志七之五

土官

十四

楚雄縣土縣丞

大清會典事例雲南楚雄縣土縣丞一人

皇朝通典雲南土縣丞五人曰楚雄案冊東至廣通縣阿南澗哨三十五里南至磻嘉竜岡壤接景東三百四十里西至鎮南州長坡五十里北至定遠縣水塘哨四十里順治初楊春盛投誠仍授世職傳子毓秀毓秀死子世勳襲世勳死子天澤襲乾隆五十年改爲正八品土官天澤死子熙道光六年襲

鎮南州土州同

大清會典事例雲南鎮南州土州同一人

皇朝通典雲南土州同四人曰鎮南州案冊居住木城東街管人丁一百二十戶東至呂合石人哨交楚雄縣界二十五里南至馬龍河交楚雄河南界五十里西至索廠大松林交本州西界十五里北至羅平關交定遠縣南界三十里順治初段光贊投誠仍授世職光贊死子恆黻襲傳至鍾泰乾隆五十年襲

鎮南州土州判

大清會典事例雲南鎮南州土州判一人

皇朝通典雲南土州判二人曰鎮南州案冊住居鎮南州城東北自馬呼屯麥地坪新莊至定遠姚州交界二

雲南通志

卷百五

秩官志七之五

十四

五

十五里西至平彝橋沙橋驛英武鄉中屯大哨至普

湖堡六十里南至西堡屯瓦觀窖西衝索場阿雄鄉

至楚雄景東交界一百二十里順治初陳昌虞投誠

仍授世職昌虞死子振世襲振世死無子以國試次

子大勳之孫典愚襲典愚死孫輔世襲傳至瑚乾隆

五十年襲以大姚夷匪不靖隨營擒獲首要有功賞

給六品頂戴瑚死子矩歲貢生因疾告替長男宜坤

襲咸豐五年被賊戕未經接襲光緒七年次孫宜泰

子詩襲前由軍功加知州銜賞戴藍翎

鎮南州阿雄關土巡檢

大清會典事例雲南阿雄關土巡檢一人

皇朝通典雲南土巡檢十九人曰阿雄關案册住居鎮南州屬阿雄關東至楚雄縣清水河六十里南至景東火石哨八十五里西至趙州界六十里北至州境大峯了口二十里順治初者光祖投誠仍授世職死子宗盛襲傳至朝乾隆五十年改爲從九品土官死子英文襲英文死子際泰道光三年襲際泰死子吉承咸豐二年襲

鎮南州鎮南關土巡檢

大清會典事例雲南鎮南關土巡檢一人

雲南通志

卷一百五

秩官志七之五

七十五

六

皇朝通典雲南土巡檢十九人曰鎮南關案册住居四至無順治初楊繼祖投誠仍授世職繼祖死子可喬襲可喬死子仕傑襲傳至文輝乾隆五十年改爲從九品土官傳至富嘉慶二十年襲

姚州土州同

大清會典事例雲南姚州土州同一人

皇朝通典雲南土州同四人曰姚州案册住居姚州西界彌興官庄管永凝廂等下六里六甲東至定遠縣一百二十里南至鎮南州一百二十里西至普湖杉松灣一百四十里北至橋東哨一百二十里東北至大